

Bureau City Inspector ta sigui cu trabao di limpieza



Bureau City Inspector (BCI) ta sigui mantene pueblo informa di tur e trabao di limpieza cu nan

ta haci.

Manera ta custumber, BCI a publica riba su pagina di Facebook imagennan unda

nan ta muestra pueblo e transformacionnan cu nan ekipo ta logra pa medio di haci limpiezanan grandi.

Nos ta agradecido y orguyoso di bo

Despues di 44 aña: Honore Eights ta despedi di cuerpo policial Aruba



Recientemente a tuma lugar un encuentro special na Warda di Polis San Nicolas pa e despedida di Sr. Honore Eights.

Agentenan policial, personal administrativo y staf di Warda di Polis San Nicolas a prepara un mainta di koffie morgen pa despedi di Sr. Eights cu a traha 44 aña na Cuerpo Policial.

Sr. Eights no ta un persona desconoci den nos comunidad y ta un di e caranan principal y hopi conoci den San Nicolas como agente policial. Tabata na aña 1980 cu Eights a drenta Cuerpo Policial Antiyas Hulandes. Su mayornan mes no tabata sa cu ela aplica. Na momento cu ela wordo acepta ela bisa su mayornan y ta for di e momento aki t'e cu awe na 2024 ela sirbi su Pais dignamente. Eights a traha na diferente departamento tanto como polis uniforma pero tambe recherche. Gran parti di su carera ela hacie na su cas cu mas ela stima y sirbi cu ta Warda di Polis San Nicolas.



Eights a mira hopi caranan nobo bira polis como tambe a haya amigonan fiel durante su carera policial. Despues cu a fungi como planner ela asumi e responsabilidad tambe como Hefe suplente di Warda di San Nicolas. Un trayectoria largo pero bunita cu experiencianan inolvidabel pero tambe cu desafio. Eights un persona hopi stima na Warda di Polis San Nicolas, hoben y grandi a sa di traha cu Eights di cerca y ta mir'e como un hefe cu respet pero tambe cordialidad. Eights ta despedi di Cuerpo Policial Aruba tumando su vakantie bon mereci pa despues baha cu pensioen na Januari 2025.

Den presencia di altocomisario suplente Sra. Gordon, Mando Policial, Famia, amigonan, staf y personal di warda di Polis San Nicolas a dispidi di Eights cu chiste, alegria y harimento manera cu e mes ta como persona. Tambe cu sosten di bombero y e ultimo yamada via Central di Polis e mainta a keda como un bunita dia pa bisa



ayo na Sr. Eights.

Nos ta yama bo danki y sigur comunidad completo di Aru-

ba ta agradecido na abo Sr. Eights. Hopi danki pa sirbi bo comunidad cu bo tempo, dedicacion y respet! Disfruta

di bo pensioen y sigur bo por pasa bishita nos di Cuerpo Policial Aruba. Porta lo ta semper habri!